

Planz op d'waremst Plaz deng Riewen,
wo' en d'Sonn kann emmer laachen,
datt s'eng Stönnchen dack am Liewen
gär dir sche'n a glecklech maachen!

D'Somfruucht aß erous ze wiehlen*) —
Bauer, he'er u mäi Rot! —
soß könnt d'Ongkrout wuohl dir stiehlen
all deng Arbecht mat der Sot.

Durt a Fötz, a Ruod, well Wecken
bringen d'Hartfruucht dann an d'No't.
Sinneft kömmt dir d'Lenz erstecken,
Ko'hweeß fierft kuohlschwarz dai Bro't.

Wießel d'Somfruucht, wells du räich gin!
D'Feld aß mat der friemer fro'h.
Wann och d'Kärcher dann sech gläich sin,
't höllt om Kaascht, am Sieschter zo'.

All Jahr wießel mat den Arten!
Zwemol enges brengt ke Gleck.
Fir ann d'Scheier gin deng Fahrten
da fir d'zwet dir kemol deck².

Hartfruucht, Huower, Kle' a Wecken
a mat Speise wießel of!
Eemol meschten, zwemol plecken:
Get et dräimol, 't aß eng Gof!

Hitt dech vill am Land ze poutlen!
'T bringt dech soß öm Pärđ a Plo'.
Le'her selwer d'Feld net foutlen!
Schwaache Stecker looß eng Ro'h!

Fir d'Gede'esch ze verschälken,
vun de Kärcher Wurm' a Muod,
sin der vill de' d'Somfruucht kälken:
notzt et net, 't mecht och ke Schuod.

*) Ms. «D'Somfruucht aß ze wiehlen», dreisilbigen Vers.